




ფასი 10 შ.

სინამდვილის მართლმსაჯულება



ოცნება და სინამდვილე

1 ოცნება*)

№ 30

1920 წ.
ივნისის 20



როგორ ჰქონდა წარმოდგენილი რუს კომუნისტური ცხოვრება.

*) სინამდვილე იხ. მე-16-გვერდზე.

სოვეტნიკები

უმორჩილესი ჩემი თხოვნაა:

— ნუ დამძრახავთ!

მართალი თუ გნებავთ, დასაგმობი და დასაძრახი ჩემს მოქმედებაში არაფერიც არ არის. უბრალო ეშმაკობა ეშმაკს კი არა, ისეთ ანგელოზებსაც მიეტევება, რომელთა შესახებაც მე სიტყვა მსურს.

იმ სახლს, რომელიც ქალაქის მოსაზრებამ მდგმურებს დააცლევინა მოსკოვიდან მომავალ დელეგაციისათვის, მშენებელი ავტომობილი მიადგა.

ავტომობილიდან გამოვიდა ახალგაზრდა, ლამაზ-ლამაზი კაცი, აშხ. კიროვი, და მისთვის დამზადებულ სახლში შევიდა.

აი ეს ლამაზ-ლამაზი და ახალგაზრდა კაცი მე ვიყავი და არა ნამდვილი კიროვი, რომელიც ალბათ ცოტა სხვანაირი შეხედულებისა იქნება.

ქართული (და არა ქართველი) კომუნისტების ამბავი მე ჩინებულათ ვიცი: მათ საუცხოვო აგენტურა აქვთ მოწყობილი. ცნობებს არა თუ მართალს, მოჭირილსა და შეუსაბამოსაც ვლვის სისწრაფით ავრცელებენ. საკმარისია კატამ სადმე კუდი ასწიოს, რომ ეს ამბავი უკვე მთელმა საკომუნისტო ქვეყანამ იცის და თუ კატის კუდის აწევა მათ სასარგებლო, ან საწინააღმდეგო აჯანყებათ არ აქციეს, უბრალო კატის კუდის აწევით მაინც არ დასტოვებენ.

ამიტომ, მე ავტომობილიდან ბარგის გადმოტანაც ვერ მოვასწარი, რომ თფილისის ყველა კომუნისტმა უკვე იცოდა ჩემი ჩამოსვლა, რომელსაც ყოველი მათგანი ცხადია მოუთმენლობით მოელოდა.

ხუმრობა საქმე ხომ არ არის ბატონის ჩამოსვლა!

შემდეგი ნაამბობის გასაგებათ საჭიროა მცირეოდენი განმარტება: ქართული კომუნისტები სამ უმთავრეს ჯგუფათ იყოფებიან: 1) „ტანინი სოვეტნიკები“ (ფილიპე მახარაძე, ორჯონაიძე, ლომინაძე, კვანტალიანი და სხვ.) 2) „სოვეტნიკები“ (მიხა ცხაკაია, თედორე ლლონტი, გერონტი ქიქოძე, მ. ტოროშელიძე და სხვ.) და 3) „მლადშიე სოვეტნიკები“ (სეროჟა ქავთარაძე, ნატალია ქიქოძისა, ს. თ-რია და სხვ.)

ეს დანაწილება, რა თქმა უნდა, დამსახურების მიხედვით არის გამოწვეული და არა მათი ნიჭისა თუ მომზადების და მე მგონია ეს პრინციპი საკმაოდ სწორი და მისაღებია.

ერთი პატარა განმარტება კიდევ მინდა შემოგაპაროთ შემდეგი მოთხრობის გასაადვილებლათ.

მე კარგათ მესმოდა ჩემი მძიმე მდგომარეობა. ვიცოდი, რომ კომუნისტები უბრალო სიტყვებს არ უჯერებენ, რომ მათთვის ნივთიერი საბუთებია საჭირო და ამისთვის წინასწარ ჩამოვაყვანიე ამხანაგ

ზაქარია გურულის მთელი დიუეინი ნამდვილი რუსული მკებნარისა წითელ ხიდის ფრონტიდან, სადაც ჩვენი გვარდია ძლიერ ეჭირისუფლა კომუნისტთა მცირე რაზმს. უნდა გამოგიტყდეთ, რომ ყველა ურწმუნო კომუნისტს შეიყვანდა შეცდომაში, ისეთი ჯიშეირი და მოზრდილი მკებნარები ეშოვა ჩემს მეგობარს. მე ისინი სხვა და სხვა თვალსაჩინო ალაგას დავისხი, რომ ჩემს სტუმრებს პირდაპირ თვალში სცემოდა და ყოველივე მათი ეჭვი გაეფანტა. მნახველები აი უკვე საკმაოდ მოკვრივდნენ ჩემს მისალაბ ოთახში, საიდანაც გარკვევით მესმოდა ფილიპე მახარაძის (რომელიც თითქმის ხუთი წუთია რაც მოვიდა) მწარე სიტყვები:

— Это, какъ его, это на что похоже! Цѣлый день ждать приома, это, какъ его, это невозможно!..

მესმოდა სხვა ნაცნობი ხმებიც, განსაკუთრებით მუქარა ქ-ნი ქიქოძისა და რაკი უკვე ყველაფერი კომუნისტურ რიგზე იყო მოწყობილი, ვუბრძანე მნახველები შემოეშვათ.

კარები გაიღო და ოთახში დაბალ-დაბალი მოხუცი შემოვიდა. იმისი სახე თითქო სადღაც მენახა, მაგრამ ვერ გავიხსენე სად ან როდის; უფრო კი ერთ-ერთ მექისეს ვამსგავსე ორბელიანის აბანოებიდან.

— მობრძანდით ბატონო ჩემო! მივესალმე გასამხნევებლათ, ვინაიდან შევატყვევ; რომ მოხუცი ძლიერ დარცხვენილი და შეშინებული შემოდირდა.

— ფილიპე მახარაძე!.. ტანინი სოვეტნიკი. აქვენი დელეგაციისა.

— ფილიპე მახარაძე?... ღმერთო ჩემო!.. მე კინალამ დამბლა შემემთხვა. ნუთუ ეს მართლა ფილიპე მახარაძეა?... იმისი საბლალაჩინო წვერისაგან მხოლოდ საცოდავად ნაშთილა დარჩენილიყო, როგორც ნამჯა ოქროსფერი ყანის მომკის შემდგომად.

— რას გვიბრძანებთ, ბატონო ფილიპე?

— უკაცრავათ... это невозможно, გთხოვთ გამაგებინოთ ვისთან გვაქვს საქმე... ამხანაგ კიროვთან თუ...

— დიახ, დიახ. ამხანაგ კიროვთან. რას გვეტყვით ახალს და სანუკეშოს?

— მე, ამხანაგო, არა ერთხელ მომიწერია სოვენარკომისათვის, თუ რა ესაჭიროება ამიერ კავკასიას.. დავიწყოთ ნოე ჟორდანიასაგან...

— როგორც გზა და გზა შევნიშნე ხალხი ძლიერ ემადლიერება მთავრობას და განსაკუთრებით მის თავმჯდომარეს...

— Это ложь! მე მოვწერე სოვენარკომს თუ როგორ ტანჯვა-წამებას განიცდის ხალხი ნოე ჟორდანიას აქ...

— საზოგადოთ ხალხი დამშეულია?

— Это онъ мелкобуржуазный писатель... А это, какъ его, голодъ вонечно будетъ. Они вообще предатели!..

— ჩვენს ზავს საქართველოსთან როგორ უყუ-
რებთ თქვენ, ამხანაგო?

— Я уже доносилъ какъ его, совнаркому,
რომ, თუ ჩვენ გვინდა აღმოსავლეთში დავანთოთ
კომუნისმის ცეცხლი, საჭიროა ნოე ყორღანის
მთავრობა, какъ его, გავსტეხოთ და წითელი ჯა-
რების ხიშტებზე კომუნისმის წითელი დროშები გა-
ვიტანოთ ანატოლიასა და ბალდადზე. Ной Жор-
данія, это какъ его, буржуй.

— ტრანსპორტის საქმე, როგორც შევნიშნე
საკმაოდ მოწესრიგებულია!..

— რკინის გზა რასაკვირველია... Но это,
какъ его, Ной Жорданія империалистъ! Он шубу
носит даже зимой. ამას მე დღესაც ხაზს ვუსვებ!

ამ სიტყვების გაგონებაზე კინალამ თავბრუ და-
მესხა. ის იყო უნდა ვცემოდი ჩემს მოსაუბრეს, მა-
გრამ გამახსენდა ჩემი საპასუხისმგებლო როლი,
გულის წყრომა დავიმორჩილე და განვაგრძე და-
შვიდებული ბაასი.

— ფინანსიური მდგომარეობის შესახებ რას
გვეტყვი ამხანაგო? ფილიპე

— მთელი მისი ნაწერები, это какъ его, ни-
чего не стоятъ! მე არ მაძლევდენ ნებას მის წინააღ-
მდეგ სტატიები მეწერა, а то я бы показалъ это
какъ его როგორ უნდა წერა, а Ной жорданія...

— მე, ამხანაგო ფილიპე, ფინანსთა შესახებ...

— Это невозможно.. Это какъ его, это прямо
насилие, финансы тоже конечно, какъ его.. не
важно.

— ჯარისა და გვარდიის შესახებ რა ცნობები
შეგიძლია მოგვაწოდო, ამხანაგო?

— იმას ვითომ ტაქტიკას უწონებენ, какой онъ
тактикъ, это какъ его, он прямо империалистъ. Ной
Жорданія...

მისაღებ ოთახში მოულოდნელი ხმაურობა შეი-
ქნა. გარკვევით ისმოდა მოხუცი ქალის ხმა:

— შემოშვით! მე რიგის მოცდა არ შემოძლია.
ჩემი საქმე საჩქაროა.

— არ შეიძლება ქალბატონო, აქ ამდენი სო-
ვეტნიკები სხედან, ყველანი სამსახურის ხალხნი
არიან, ჯერ ესენი უნდა შევიდნენ! — ამშვიდებდა
მეკარე.

— ეს არის თქვენი თავისუფლება? ეს არის
თქვენი თანასწორობა? მკვახეთ უპასუხებდა სტუ-
პარი მანდილოსანი.

— დაწყნარდით, ქალბატონო, ჩვენ ყველანი
რიგს ვუცდით, ღინჯათ შენიშნა მიხა ცხაკაიამ,
რომელიც პირველ რიგში იდგა ფილიპეს შემდეგ.

მიუხედავად ხმაურობისა მე მაინც მსურდა გან-
მეგრძო ფილიპესთან ლაპარაკი. ვიცოდი, რომ მას
სიტყვის გათავება ძლიერ უჭირს და არ მინდოდა
გულნაკლული გამეშვა, მაგრამ ის თითონ წამოდგა,
ერთობ აღელვებული და ხელი გამომიწოდა...

— ნუ თუ მიბრძანდები, ამხანაგო?
— დიახ, პარტიული კრება მაქვს დანიშნული...
ცოტა მეჩქარება...

— მე კი გთხოვდით, რომ თქვენი ძვირფასი
ჩრევა განგეგრძოთ...

— Это невозможно. მეჩქარება არ შეიძლება
აქედან გავიდე?

მიმითითა ფილიპემ უკანა კარებზე.
— აი აქედან, სადარბაზო კარებიდან მიბრძანდით.

— იქიდან არა, არ მინდა это какъ его, მე
აქედან მიჩვევია..

— ეს კარები დაქვდილია.
— მაშ ფანჯრიდან...

— აბა რასა ბრძანებთ... აი კარები ამხანაგო,
მაკვირვებს თქვენი სიმორცხვე.

— Это насиліе... буржуазный., какъ его, пред-
расудокъ, მე ფანჯრიდან მინდა.

არ გასჭრა ჩემმა თავაზიანმა თხოვნამ! ფილიპე
მახარაძე ფეხაშვერით გადაეშვა ფანჯარიდან ბალში,
ბალიდან ქუჩაში და გაჩქარებული ნაბიჯით გაემა-
რთა აღბათ „კომუნისტის“ რედაქციისაკენ.

მე კი ჩემს ოთახში მიხა ცხაკაია შემოვიპატიყე,
(შეკლდეგი იქნება)

მეზაქი.

ჰატარა ფელეტონი.

იმპერიალიზმი.

ქართული კომუნისტი,
ლოლიკით აღსავსეა!...
ფეიცავ ორჯონიკიძეს,
რომ ეს, სწორეთ ასეა!
მუღამ შმაგი, მრისხანე,
მუღამ მოუსვენარი,
(ენერგიით აღსავსე,
ვით რუსული მკბენარი),
როცა დასაკუბდება.
სხვათა ტერიტორიას,
თუ ვინმემ შეუძახა,
ასტეხს მთელ „ისტორიას“.
(მთიელთა რესპუბლიკა,
„ყუბანი“, გინდ „დონია“,
ამის დასამტკიცებლათ
გამოდგება მგონია...)
როცა აღირბეიჯანს
შავი ღღე დაყენეს:
(განჯის მუსულმანობა
საფლავში ჩაასვესეს)
როცა ტურფა ქალაქი
მისცეს ცეცხლს და მახვილსა
(თან ნამუსიც აჰხადეს
ათას ხუთას ყმაწვილსა)
იმპერიალისტობა



იქ არვის გაახსენდა...

(აშკარაა, ეს იმ დროს იმათ თავს აატყენდა!)

ჩინებული რამეა

მათი „თვით გამოარკვევა“!..

(როცა თავი ტანისგან სრულიად წაგერთმევა!)

ქართველი კომუნისტი ლოლიკით აღსავსეა.

ფილიპეს გეფიცებით, რომ ეს სწორეთ ასეა!..

და როცა ჩვენს სამშობლოს ოსის ხულიგანები,

მესამეთ თავს დაესხენ (რუსთა მონაყვანები),

და როცა საქართველომ ცოტა შეუტაცხანა...

როცა ოს „კომუნისტებს“

მიპხვდა ქეჩოს მოფხანა,

როცა ჩვენი გვარდია

ცხინვალს ეპატრონება.

ქართული „კომუნისტის“

მყის შეშფოთდა გონება;

— იმპერიალიზმია!

დახეთ შოვინისტებსო!

რა რიგ აწიოკებენ

ჩვენს ძმა კომუნისტებსო!

ლოლიკაა, აბა რა

ჯანაბა და ხუსტური?

მაგრამ ეს ლოლიკაა

წმინდა „კომუნისტი“!

კომუნისტი ქართველი

ლოლიკით აღსავსეა...

გეფიცებით „კომუნისტს“,

რომ ეს, სწორეთ ასეა.

მორიელი.

კოსტიუმი

„ცული ცოლისა ყოლასა სჯობს კარგი ცოლისა ყოლაო“

ტ XIII, გვ. 257. ხოლ. ზურგიელიძე.

მთელი ზამთარი მოსვენებული ვიყავი.

გაზაფხულდა და დაიწყო ჩემი ტანჯვა.

შემომიჩნდა ცოლი:

გინდა თუ არა კასტუმი მიყიდეო.

— სულიკო, გენაცვალე! საზღვარ გარეთია,

ბათუმი. საქართველო ხ-მ არ გგონია შენ?! ერთი

კოსტიუმი 20,000 მანეთი ღირს. აბა, საიდან

უნდა ვიშოვნო ამოდენა ფული.

და გადავშალე ჩემი ფინანსიური მოსაზრებანი,

ვითარცა ფინანსთა მინისტრმა.

— თვეში რვა ათას მანეთს ვიღებ ჯამაგირს. ვხარჯავ 15000 მან. ყოველ თვიური ბიუჯეტის დეფიციტი 7000 მანეთს უღრის; წელიწადში 84000 მანეთის დეფიციტი. აბა სად უნდა ვიშოვნო კოსტიუმის ფული. ხომ გახსოვს ახალწელიწად ღამეს რა ფინანსიური თათბირი გვქონდა. მაშინ ჩვენ ხარჯთ აღრიცხვაში კოსტიუმი არ შეგვიტანია! თეთრი ტუფლები სწერია და გიყიდი კიდევ. ხომ ხედავ მე ამ კოსტიუმით ნ წელიწადი დავდივარ. ჩვენი მევალე ოქროს ხასიათისაა, თორემ ციხეში ჩამსვავს. ხუმრობა ხომ არაა 84000 მან. მოულოდნელი ხარჯები 16000 მან. სულ 100,000 მან.

ეს უკანასკნელი 16000 მან. განვებ ჩავამატე, შთაბეჭდილების მოსახტენათ, რომ სწორეთ 100000 მან. გამხდარიყო, მაგრამ თქვენ არ მოუკვდეთ ჩემ თავს!

როგორც სვ. ავალიანის ფინანსიურ მოსაზრებებს არავითარი მნიშვნელობა არ აქვს ეს-ერების ფრაქციისათვის, ისე ჩემმა ფინანსიურმა მოსაზრებებმა ვერავითარი გავლენა ვერ იქონია ჩემ ცოლზე.

— დაგიჟინია 100,000 მან. დეფიციტი! შენ კი არა ინგლისის მთავრობას რამდენიმე მილიარდი დეფიციტი აქვს, მაგრამ ინგლისელებს ფული მაინც ბევრი აქვთ. არ ვარგხარ... უპრაფის აგენტები მილიონერები გახდენ და შენ სადღაც კანტორაში უნდა დამქავდე...

— ელია, გენაცვალე! მე და ინგლისელები რა შესადარებელი ვართ. ინგლისელები ერთ დღეს რომ ჯარიმას გადაახდევინებენ ბათუმის მოქალაქეებს ის ფული რომ მომცა წელიწადში ხუთ კასტიუმს შეგიკვრავ.

— რო მოგცა, მაინც არ შემიკვრავ! წახვალ და ეროვნულ საბჭოს შესწირავ!

— ეროვნული საბჭო რაღა შუაშია, გენაცვალე!

— რა შუაშია და რა მიაჩინჩილე 4000 მან. სალაური სპეკულიანტი მყავდი?

— ელო, ჩვენ ეროვნულ საბჭოს ჩვენ თუ არ შევინახავთ, აბა ვინღა შეინახავს...

— მე მაგას არ გეუბნები. მე იმაზე მომდის გული, რომ შენც 4000 მანეთს იხდი და საბავეიც.

— საფინანსო კომისიამ ასე გააწერა... და — დამებნა ენა, რადგან საფინანსო კომისიის უსამართლო განაწილებას მეც ვგრძნობდი.

— გააწერა, გააწერა! მაშ საფინანსო კომისიამ რო გააწეროს, უყიდე კოსტიუმი ელოსო, უყიდი?

— ჰა, ჰა, ჰა,! უთუოდ გიყიდი! აჰ, აჰ! აჰ!

ვიცინოდი გახარებული, რომ უსიამოვნო საუბრის ხუმრობით გათავების საბაბი მომეცა.

— კარგია, ელია! ახლა დავწვეთ, დავისვენოთ; ვნახოთ, ხვალინდელი დღე რას მოგვიტანს.

— მოიცა, მოიცა, ვაჰბატონო! ახლა ველარ მომატყვილებ შარშანდელივით. ხვალ, ხვალ! გავიდა სეზონი და ახლა რაღათ გინდა კაბა მოდა აღარ არისო. არა ჩემო კარგო! ეხლავე მითხარი:

— მიკერავ კასტიუმს თუ არა?

გამახსენდა მუსავატისტები, იტიხადმა და „კომუნისტებმა“ რომ ულტიმატუმი დაუყენეს: გაბალ-შევიკდები თუ არაო.

გამახსენდა და შემეცოდა, რადგან მხოლოდ ახლა მივხვდი თუ რას გრძნობდა მუსავატი მაშინ.

შევპირდე? რა თანხიდან?

უარი უთხრა? რაღაც მეტათ სერიოზულათ მელაპარაკება. ღმერთმა იცის რას აპირებს.

ეჰ! თუ გაქვს ხასიათი ახლა უნდა გამოაჩინოთქო, ვიფიქრე.— შენ ხარ ქმარი თუ ისა?!

ჩემო კარგო! — დავიწყე დიპლომატიურათ.— მე ძალიან მინდა შეგიკერო კასტიუმი. შენი კარგათ გამოწყობა ჩემზე უფრო ვის გაეხარდება! მაგრამ რა ვქნა, რომ არც ერთი გროში...

— მაშ არ გინდა შემიკერო?

— არ მინდა კი არა? არ შემიძლია.

კონფლიქტმა სერიოზული ხასიათი მიიღო და ჩვენ შორის დიპლომატიური დამოკიდებულება შეწყდა.

მიუხედავათ ამისა მაინც არ ველოდი თუ საქმე ასე ცუდათ გათავდებოდა.

„საქართველო და რუსეთი შერიგდა და მე და ელია როგორ ვერ მოერიგდებით თქო“ — ვფიქრობდი ლოჯინში.

II

მეორე დღეს საკმაოთ მოშივებული დავბრუნდი სამსახურიდან.

გზაზე გადავწყვიტე:

თუ 60 0/0 მოგვიმატეს, უთუოდ უყიდი ჩემს ცოლს კასტიუმს მეთქი.

ეს გადაწყვეტილება იმიტომ უფრო მივიღე რომ ვიცოდი ამ თვეში უბრაო სადილს ვერ ვჭამდი. საღამურ მუშაობაზე ხომ ლაპარაკიც არ შეიძლება.

— აბა სადილი ჩქარა!

— ქალბატონმა დაიბარა, ჩემ მოსვლამდე სადილად არ დაჯდეთო — მითხრა მოსამსახურემ.

— სად წავადა ქალბატონი?

— არ უთქვამს. ამ დილას ცხრა საათზე წავიდა და ჯერ არ მოსულა.

ვერაფრათ მეჭაშნიკა, მაგრამ ვიფიქრე, ფულის სასესხებლათ წავიდოდათქო და დავიწყე გაზეთის კითხვა.

სათაურიდან დაწყებული რედაქტორ-გამომცემლამდე სულ გადავიკითხე. ჩემი ცოლი კი არ სად სჩანდა. ოთხ საათზე წავედი კანტორაში უსაძილოთ.

საღამოს რამბავი მოხდა ჩვენს ოთახში, ძნელი ასაწერია.

მე მხოლოდ ერთი რამ გავიგე: ჩემი ცოლი ინგლისელებთან შესულა სამსახურში.

ვირს პიტნა სძულდა და ცხვირში აკვებებდნო. მე დარწმუნებული ვარ, ვირს ისე არ შესძულდებოდა პიტნა, როგორც მე ინგლისელები.

და ჩემი მშვენიერი ცქრილა ელია... რაკი ელიამ კატეგორიულათ გადასწყვიტა ინგლისელებთან სამსახურს თავი არ დაანებოს და ჩემი ულტიმატუმი უპასუხოთ დასტოვა, მეც გადავწყვიტე:

— უნდა გავეყარო.

ახლა, ამ სტრიქონებს რო ვსწერ ნაფიც ვექილის მისაღებ ოთახში, ვზივარ და რიგს ვუცდი.

უნდა გავეყარო!

მე და ინგლისელი ერთ გვამში ვერ მოვთავსდებით!

გრ. სლუჩაინი.

თიანეთისათვის.

ამიღებს ზოგჯერ საგონი გამისრევს როგორც შურდული, თიანეთ მამაგონდება, წმინდა გიორგი ბურდული; კიკოლა მამულაშვილი, ლალატ რო იცის ქურდული.— ქავის კარს გამამტვრევენ რკინაც რო ეღვას ურდული.

ბევრი გვყავ ნაპრისტავალი, ნასტრაქნიკალი, ჩაფრები. სლუყველა ბალშევიკობენ, რომელ ერთ ჩაესაფრები. ხალხს უხიბლავენ გზა კვალსა, მიკიტნები ჰყავ ამქრები. ვერსაით მოვა ზაფხული თუ არ აშრება ნამქრები...

წკებლას გააბამს ბაწრითა, ბალღს მშვილდი ჰგონავ — ისრები, ნიადაგ მაგას ჩაგვადენს რუსის მონაგარ პისრები; ბევრი შავი დღე გვინახავ მავათვან დანაკისრები. დღესაც ისევა გვწველავენ, დააქვ მორგვივით კისრები; ტალახ წავვისმენ პირზედა, იმას ნუ ამბობ — ვისერები.

ზოგ ამბობს: ერევენელი ვარ, ზოგი — ვარ თებერვალისტი; ყველა ძველ ჩინოვნიკია ან ქევზა კაპიტალისტი. თითომ დაწერა დღეშია არზები შვიდი რვა ლისტი... ვის უგზავნიან ნეტარა,



თხოვნას ან დანაბარებსა;
 შხამიან ჭიალუასა
 კიდევ ვინ უღებს კარებსა!
 რად არ დააქცევს გამჩენი
 მაგათ თავშესაფარებსა...

ხალხს ძლივ ეღირსა ერთხელა
 ბედი და ბედნიერობა,
 ჩვენს საქართველოს ოჯახსა
 იცნობს მთელ ქვეყნიერობა;
 რაკი თემობა დაწესდა,
 შემოგვივიდა ერობა,—
 ერთ ურთის სამსახურ გვინდა
 ნიადაგ გვმართებს ფერობა.

ჯერ ანა ბანა არ ვიცით,
 წერა, არც სიტყვიერობა,
 იმით გვატდენს და გვატყუებს
 ორგულთა გაიძვერობა.

ღვდელ აღარ ამბობს იმასა—
 არ ვარგა უსწავლელობა.—
 თუ წახვალ ლოცვა ისწავლე
 სხვა რად რა გინდა ხელობა;
 ქვეყნისას ნულარ იკითხავ,
 გეყოფა მიწის მთხრელობა.

დაგვრიშხნავს, დაგვემუქრება,—
 შენ არა გელირსება რა,
 ეს ნუ გწამს, მაგას ნუ გასდევ,
 არა, ეს არა, ეგ არა;
 დრო სჯობდა—შენი სვე ბედი,
 როცა ხემწიფეს ებარა!
 ეხლა ხომ უფრო გაწუხებს
 ხარჯი, ტანჯი და ბეგარა.
 მთავარ ანგელოზ გიწყრება,
 მზეს ღრუბელ ჩამოეფარა...
 დაშინდებიან ზოგები,
 ვისაც არ გაეგება რა.

გადაგვირიეს ქალ რძალი,
 წვრილ ფეხა თილოსოფოსი.
 მამიდა არქიელი გვყავ,
 ბებია ეპისკოპოსი!

ბიჭ ბუჭი წვერ აწამები,
 რარჩი, ვაჭარი, ზოგ ოსი
 ისე მრავლდება დღითი დღე,
 ვით ნეხვზე ფარა სოკოსი,

ღელა თუ დარეტიანდა,
 ჯადოს გიმზადებს ფარულსა;
 შვილს გაზრდის, ქერში დამალავს
 ომშიით გამოპარულსა...

ცოცხლად დაგმარხავს კაუკაცს
 მემრე მოგძახებს არულსა.
 შენ ვაი—ღედას გაძახებს
 მტერს ხომ კი ბარაქალურსა...
 ხან სადმე დღეობა არი,
 ხან ვის ქორწილში დავთვრები,—

აქ თვალ წინ გადამეშლება
 ჩვენის დაღუპვის დავთრები:
 შეგროვდაბიან ბიჭები,
 დეზერტირ-ნასალდათები;
 უღვაშ იგრეხენ, ამბობენ
 ჩვენ ვერას გვიქმენ თათრები.
 შინ თუ ვერ დავეშალე
 ტყეში ალივით გავქრები...
 — პასუხს ვერ გავცემ შიშითა,
 მაშინებს ნაცარ მქაქრები.
 შინ თუნდა ქალაქს დაგინგრევს
 უსაქმოდ ნახალ ბათრები.

„ჩვენ საქართველო არ გვინდა,
 რუსეთ გავვიწევს ძმობასა“
 სტამბოლით მოვა თათარი
 გიგს ის მოიყვანს ცნობასა.

რა ეშველება ამ ხალხსა,
 ვაქაცთა უმიზნობასა;
 ცეცხლს ველარ აყრის სირცხვილი
 მამულიშვილურ გრძნობასა!
 თავის თავს ვერა პატრონობს,
 სხვაზე დაიწყებს გრძნობასა.

ღმერთმა დალოცოს ქალაქი
 მუშათ პარტიის ლაშქარი,
 იმათ დაიცვეს სამშობლო
 ჩვენც აგვაშორეს ზამთარი!—
 აცოცხლოს პირველ ნუმერი
 ძმობა-ერთობის ამქარი!..

წითელ გვარდიის გმირები,
 იმათ წინამძღოლ ჯუღელი,
 ნიადაგ მაგათ გატეხეს
 თვითმყრობელობის უღელი!..

ეს ჩემი გულის პასუხი
 ფშავში დავწერე ქვაზედა:
 ნურავინ წავა ჩვენგანი
 ხალხის ღალატის გზაზედა;
 გვიან ნულარას ვინანებთ,
 ადრე ვიაროთ ქკვაზედა!
 კაცსა კაცური ბუნება
 ეტყობა სულის თქმაზედა.


ვინტარი

უკითხვი ტუფლები

საღამოს შვიდი საათი იყო, როდესაც სოფიო,
 მართასთან ერთად კლუბისაკენ გაემგზავრა ლოტოს
 სათამაშოთ.

— დღეს კვირაა, კლუბში ხალხი ბევრი იქნება,
 მოსაგებიც ბლომათ იქნებაო, ამბობდენ ისინი და
 გაჩქარებით მიეშურებოდენ კლუბისაკენ.

— ოხ ნეტავ კი მოვიგო მართაჯან, როგორ
 დაუყენებ თვალებს ჩემს მტრებს, როცა მონაგები
 ფულით ყვითელ ტუფლებს ვიყიდი.



დამფუძნებელი კრება.

— მოიგებ, სოფიოჯან, უეჭველათ მოიგები! წუხელ მესიზმრა, ვითომ შენ ახალი ტუფლები გეცვა.

— შენს პირს შაქარი, ქალო, მეც ეგრე მითქვამს გული: ოჰ, ნეტავ ეგრეც იქნებოდეს.

სოფიომ და მართამ კლუბში დასაჯდომი ადგილა ძლივს იშოვეს, ისე იყო გაჭედილი დარბაზი ლოტოს მოთამაშეებით.

— კარტი! კარტი დავაიტე სუდა! — მიაძახეს მათ მოსამსახურე ქალს, რომელმაც სწრაფათ მიართვა სათამაშო ფურცლები.

— დვაციტ შესტ, -78-15 ყვიროდა ლოტოს მენომრე.

სოფიოს სულ ტუფლი ელანდებოდა. ოხ, რა ბედნიერი იქნება რა ეშმაკს თვალი დაუდგებოდეს და მართლა მოიგებდეს, რა სწრაფათ წამოიყვირებდა „ДОВОЛЬНА“-ს.

— ოჰ ღმერთო, შენი მუხლის ჰირიმე, მომაგებინე, მომაგებინე... ბუტბუტებდა ის და გული უფანტვალეზდა, ოთხადგილას ზედი-ზედ დააწყო ლობიოს მარცვალი კარტის ნომრებზე, მართო ერთი ციფრი და 51 აკლდა.

— ქალო „აჟიდანიე“ მაქვს, უთხრა მართას სოფიომ და თან სიხარულით არ იცოდა რა ექნა. თვალი სულ ლოტოს აპარატისაკენ ქონდა.

— 33—41 20 ყვიროდა მენომრე.

— 51, შენი ჰირიმე, 51-ეხვეწებოდენ ორივე მოუთმენლათ მენომრეს, მენომრე კი თავისას განაგრძობდა.

— 51 რალა, შე ოხრის შვილო, ღმერთო ღმერთო, ტუფლი, 51, ყვითელი ტუფლი, ახალი მოდნის... ბუტბუტებდა სოფიო და თან გულს ისეთი ბრაგა—ბრუფი გაქონდა, გეგონებოდა მიწა ინძრევა და გორი ხელახლა დაინგრევაო.

— „51“! დაიყვირა მენომრემ მოულოდნელათ.

— სოფიოს სიხარულისაგან გული კინალამ შეუწუხდა.

— ტუფლი! ტუფლი! ისე მძლავრათ დაიყვირა მან რომ მთელმა ხალხმა ხარხარი დაიწყო.

სოფიო შეკრთა. ის მხოლოდ ახლა მიხვდა, რომ „ДОВОЛЬНА-ს მაგიერ ტუფლი“ წამოიძახა და ეს იყო მიზეზი ამ ხალხის თავაშვებული ხარხარისა.

სოფიო გიჟივით გამოვარდა გარეთ. როცა ქუჩაში გადიოდა, ხალხი ბუზივით ირეოდა. ზოგი იცინოდა, ზოგი ლაზდანდარობდა.

— ამათაც გაუგიათ ამათაც—ფიქრობდა სოფიო და უკან მოუხედავათ გარბოდა შინისაკენ.

— ქალო, მოიცა მონაგები ფული მაინც წაიღე უყვიროდა მართა, რომელსაც სოფიოს მაგიერ მიეღო მონაგები ფული.

— მართაც დამცინის, მართაც, რალა, ვქნა, რა მომივიდა, თვალცრემლიანი ამბობდა სოფიო და რაც ძალი და ღონე ქონდა გარბოდა შინისაკენ.

გ. ბომბოთელი.



დამფუძნებელ კრების წევრი აპოლონ სულაქველიძე.




დამფუძნებელ კრების წევრი შევჩუკი.

აზერბეიჯანის წურბლები




მაშადი მუსტაფა ჰამშარ-ოღლი კველფრით კმაყოფილი იყო; 7 ფუთს იწონიდა და თითო ჯერზე ნახევარ ბატკანსა და ერთ გობ ფლავს მიირთმევდა. ერთი რომ აწუხებდა მაშადი მუსტაფას: სისხლმეტობა და სრემდა და წურბელი ვერ ეშოვა, სისხლის გასართმევით. ერთხელ მუსტაფა ჰამშარ-ოღლი არხინად იჯდა ფეხ-მორთხნული, ნარგილს ეწეოდა და ღინჯათ ოცნებობდა იმ წურბლებზე, კუზმა კომუნ-ოღლის რომ უნდა ჩამოეყვანა საბუთოთა მოსკოვიდან.



კუზმა კომუნ-ოღლიმ მართლაც შესანიშნავი წურბელები ჩამოუყვანა მოსკოვიდან მაშადი მუსტაფა ჰამშარ-ოღლის. — საღოლ! ჩოხ საღოლ, კუზმა! ამბობდა გუნებაში კუზმა ჰამშარ-ოღლი და წურბლებს ტიტველ მსუქან ზურგზე ისხამდა. წურბელები მშვენიერადად მოეწეენ მუსტაფას ნოყიერ ზურგს ტე-რიტორიაზე და ბეჯითად შეუღდგენ თავის საჭმეს.



წურბელები დასივდნენ და დაიბერენ. ჩვენს მუსტაფას კი ერთბაშად 4 ფუთი დააკლდა წონაში.
 — კმარა, კმარა, ეველოლა! — ყვიროდა მუსტაფა, მაგრამ საბჭოთა წურბელები ისე შეეზარდნენ მის ზურგს, რომ მათი მოშორება შეუძლებელი გახდა.



ბოლოს წურბელებმა გამოსწოვეს მთელი მუსტაფა ჰამშარ-ოღლი და მხოლოდ ტყავი ანუ „ქე-ჩხო“ დასტოვეს მისი.
 მაშადი მუსტაფას ტყავისაგან კუზმა კომუნ-ოღლიმ ცუდ-კაჯა გააკეთა და საფრთხობელათ გამოჰკიდა ურჩებისათვის. ასე გაირთვა სისხლი მაშადი მუსტაფა ჰა? მარ-ოღლიმ.

შექანჯულებულის ლექსები.

I

ჩარი რაზა, ჩარი, ჩარი.
 ჭკუა იწვის, როგორც კვარი,
 და მეც მიტომ ძლიერ ვჩქარი,
 ლექსს ვკერავ, ვით ფეიქარი
 დღეში მინდა ცხრა ფანქარი,
 თავში მიქრის ზენა ქარი...
 შევიძინო მსურს ქანქარი,
 მაგრამ ვერსად ვერ ავკარი,
 მიმიხურეს ყველგან კარი,
 ალბად, არ მაქვს მე უნარი
 შევქმნა ყალბი საბუთები,
 (თუ როგორი—თქვენც მიხვდები)
 და გავძარცვო სამინისტრო,
 (შეურჩიო მე ამის დრო),
 ან ქალაღის საწყობები,—
 შევძრა, ვძურწო ქალაღები,
 და ბონებად მყის ვაქციო...
 ეჭვს, გამიგებს რედაქცია!!...
 ან მწყალობდეს პროტექცია,
 ვიგდო ხელთ დიდი ადგილი,
 (იქ „იმის ქნა“ ადგილი),
 და როს აღვიჭურვი ნდობით,
 მაშინ, სინდისო, მშვიდობით!!!...
 „იმას“ „ჩაეიამასვიზამ“
 უცებ პირს სხვა მხრისკენ ვიზამ...
 მაგრამ... რას ვროშავ ყბეღია?!...
 მე რომ არ მწყალობს ბეღია...
 ფიქრიც ვერ გამიბეღია—
 —ვიცი, დამიჭერს კეღია,
 მშვიდობით ძმაო, ფეღია,
 მსურს გადავლახო ქეღია...
 მზემა ამომწვა ქეღია...
 ტაში კეკე, ტაში მართა,
 ტაში თებრო, ტაში ნინო!!!!...
 თამაშობა გაიმართა,
 მინდა რომ ჩამოვირბინო!!...
 რავექნა, როგორ დავიძინო,
 ცოლ-შვილი მსურს შევიძინო,...
 მომათხოვე ძმავე, მაგი და,
 თორემ მუშათა მაგიდა
 ხომ ხედავ, გადაგვექიდა,
 ვინც რა „იმასქნა“, იფლიდა,
 ყველაფერი გაუგია,
 მიტომ ვსთქვი ეს აუგია,
 (თედოს სახლი აუგია),
 ჰო, და ახლა, უკვე მგონი
 შეგვიმცირონ რაციონი.
 არ მიიღეს ძმისწულები,
 არც ძალუა, დისწულები,

არც ცოცხალით, არც მკვდრის სულები,
 აღარც სტუმრად მოსულები,
 არ მიიღეს არც სიღედრი,
 (საქმე არის მეტად მკვეთრი)
 გამერია თმაში თეთრი...
 ჯავრით გული გამილიზდა,
 არ მიიღეს არც ცოლის და.....
 სულ ყველანი ამოსწერეს...
 რაც ვსთხოვე, არ დამიჯერეს...
 ეხლა სულ სხვა-აზრს ვადგივარ,
 (და ნახავთ, თუ არ ვარგივარ),
 მოვიკრიბე ჭკუა-გონი,
 მალე პურის რაციონი
 ნახავთ, კვლავ თუ არ გაეზარდო?!
 (ამ საქმეში არ ვარ მარტო,
 და აბა, მე რათ ვიდარდო)
 ავღგებო და „შევირთავ“ ცოლს,
 (გულის მომკვლელს, ან სულის სტოლს,
 ამით დავძლევ „მუშათა ტოლს“)
 რომ შეიღო ყოლის მექნეს შანსი,
 თუ ვიხმარო აქ ავანსი,
 არავის არ გაგიკვირდეს,
 (ვით „გიკვირდეს“, ისთ „გიღირდეს“
 და ავანსად ჩავწერ შეიღებს,
 მკირე წლოვანთ-სულ წვრილ-წვრილგებს,
 სიღედრს გავიღედლობილგებ,
 ცოლის ღებს ყველას ვიშვილგებ,
 (ათ-ხუთმეტ წლის ქალიშვილგებს)
 ძმებად ჩავწერ მე ჩემს სტუმრგებს,
 სანამღე არ გავისტუმრგებ,
 (იანუ პურს ძმავ, ნუ იხუმრებ!)...
 და ამგვარად სიას „ახალს“,
 სიას „ახალს“ და არ ძველსა,
 ყოველთათვის ხელ საყრელსა
 იქ გავატან ჩემს მამიდას.
 რომ მისცეს „მუშათ მაგიდას“.
 მაშ, რავექნა, ჩემო მამიდა,
 რათ მინდა „მუშათ მაგიდა“,
 თუ ზედ პური არა ვქამე,
 ჩემგებს ყველას არ ვამე...
 პურის ფულმა დღე და ღამე—
 თვალები გამომიღამა,
 ზუქთად არ ვინ არ მაქამა...
 ჩარი, ბოშო, ჩარირაზა,
 არ : ჩვენ გვაწყენს ზორბად ქამა...
 ბრძოლა ძმებო, ბრძოლა მამაპაპური,
 თორემ მუშათ მაგიდისგან იღუპება კვლავ
 პური...

II.

ლაღები და ლაღები,
 გოგოვ, გენაცვალებო,
 რატომ არ გებრალღები,
 მუდამ ცეცხლის აღები

გვარტყია, ვით რკალეები,
 ხედავთ ვიგი ოსები,
 კვლავ გვყავს დასაოსები,
 ჰაე ნასტრაჟნიკალეები,
 და ნაჟანდარმალეები,
 ჩვენსკენ მოიჩქარიან,
 ჩვენსკენ მოისწრაფიან,
 (მით დღეს მოისწრაფიან)...
 მაგრამ ოსებსა,
 ისევ დასაოსებსა,
 სჯობს, რომ დავამახსოვროთ,
 ვინც გვაცხოვრებს, ვაცხოვროთ,
 ვინ : გვმტრობს—მტრულად ვეკვეთოთ,
 (და ძირშივე მოვკვეთოთ)
 ხალხის საქმე ვაკეთოთ,
 ხალხისვე სასიკეთოდ,
 და ვინც ამ დროს ხელს გვიშლის,
 შური, მტრობა თუ შეშლის,
 სჯობს ძალა, რომ ვაჩვენოთ—
 დავაწყნარ-მოვასვენოთ,
 ვინც ცდილობს დრო გვიშონოს,
 და ისე დავგიშონოს,
 სწამდეთ, ვერ დავგიშონებს,
 ჩვენ დავგვით სულით მონებს...
 თავს ვერვინ მომაწონებს,
 მე ვჭამ სულ წყლიან მაწვნებს,
 იცოდეთ-კი ვერ მავნებს...

III.


არც ვარ ღოში, არც ვარ ღლაფი,
 არც კარგი ვარ, არც ვარ ავი,
 არც ღომი ვარ და არცა ფლაფი,
 მიყვარს ლეღვი და ქლიაფი,
 ჭინძი, კამა და ქლიაფი ..
 აზერბეიჯანთან ზავი...
 ეს არ არის საესავი,
 არ მომიკედეს თქვენი თავი,
 კარგ მტერთან თუ საქმე გქონდეს,
 აბა, გული ვით დაღონდეს,
 იმისთანა შენი მტერი,
 თუ რომ გყავს გლახა მტერი,
 უჭკუო და ფლაფი, მტერი,
 მუდამ სხვების ჰანგზე მმღერი,
 არ ღირს მისი დამტერება,
 არც ღირს მის დამოყვრება,
 და ვინც მას არ გაეყრება,
 კარგს ვერაფერს შეეყრება,
 მასთან აბა, რაა ომი
 რომ რაიმე იყვეს ზავი,
 სჯობს ჩვენ ჩვენთვის ვჭამოთ ღომი,
 და იმათ-კი სჭამონ ფლაფი,
 დეე, წაწყდენ, თუ წაწყდება,
 მხოლოდ გული მიტომ მწყდება,

„იქ“ საბრალო ხალხი წყდება,
 სანამ თლად არ ამოწყდება,
 მას ალია ვერ მოხედება,
 თუ ეს ასე რატომ ხდება...
 ნეტავ ერთი გამაჩაჯა,
 მთელი ქვეყნის მქონდეს აჯა,
 მან, ვინც დაქცია განჯა,
 ხალხი მუსრა და დატანჯა,
 მოუვლინო რისხვა ციდან—
 და აღგავსო თლად მიწიდან,
 ახი კია შენზედ ალი,
 ცოტა შენიც არის ბრალი,
 რომ „მოგინდა“ „გაწითლება“
 (ძალიდ ეს არ შეიძლება):
 „წითლებმა“ რა შეგამჩნიეს
 „სიწითლე“ არ გადაგეკრათ?
 ხმლებს ხელი ვით არ გაეკრათ?
 ძალით გიწყეს გაწითლება;
 ქუჩა, სახლნი და „პადლეები“
 ვით სჩვევიათ, გაწითლეს,
 ბევრი მოსრეს, ბევრი მოჰკლეს,
 ბევრი სდევნეს და აიკლეს,
 ხელი არაფერს დააკლეს...
 შეილები დედებს დააკლეს...
 ქალწულებსაც ხელი ახლეს...
 და ვანდვა განახლეს...
 და ამ გვართ, ამნაირად,
 (თუმც იმათაც უზისთ ძვირად)
 სოციალიზმ დაამყარეს...
 ყველას თავი შეაყვარეს...
 (ასე სცნობენ მტერ-მოყვარეს).
 გუშინ თავში ჰკვა მომპარეს..
 და ვილაცას მიაბარეს...

შექანჯულებული




საბჭოთა შაქარი.



საბჭოთა საქონლის მატარებელი რომ ჩამოვიდა აზერბეიჯანში, ხალხის სიხარულს საზღვარი არ ჰქონდა:

- შეხედე, შეხედე, მამი!-ეუბნებოდა აღტაცებული პატარა ხასანა თავის მამას, ასლანას: შეხედე, რამდენი შაქარი ჩამოგვითანეს კომუნისტებმა!
- აფერუმ, იტტიხად!—ყვიროდა ხასანა: გაუმარჯოს წითელ აზერბეიჯანს:
- ნეტავი ჩქარა დაგვირიგებენ, მამი!—ალარ ცხრებოდა ასლანა.
- ჩქარა დაგვირიგებენ, შვილო, მაშ! ამშვიდებდა ხასანა და პირში ნერწყვი მოსდიოდა. მერე, რა ტკბილების დამზადება იცოდა მისმა ცოლმა, ლეილა-ხანუმამ!



მაგრამ შაქარის დარიგება რომ დაიწყეს განჯაში, ყველანი დარწმუნდნენ, რომ ეს საბჭოთა შაქარი არც თუ ისე ტკბილი იყო და მუცელზედაც საშინლად მოკმედობდა.

ჩვენი დროის მილიონერები



სტარი ვეშჩიკამუ ესტ პრადთ!



— ეიც, ეიც, ეიც!



ჩულკი, ნსკი, ნიტკი!



მაწონ, ჰაწონი



მთავარი სახელოვნობები.

განცხადებათა დაფაზე.



ქათამი, გოჭი!

1-ლი განცხადება: რევოლუციის და ხალხის შტრები არ ცხრებიან. 17 ივნისის ცენტრალურ გამგეობას თავს დაესხა ზაფხულის რაზმი, რომელმაც გაიტაცა შრომის კომისიის ქვორუმი „ბრძანება № 17“ და კანტორის მოხელეთა კატეგორიები. მთელი რკინისგზის დემოკრატია აღშფოთებულია ამით, მაგრამ მიღებულია სათანადო ზომები გატაცებულ საგნების დასაბრუნებლათ. რაიონულ გამგეობებს ევალდებათ ამხანაგების ადგილობრივად დამშვიდება. საერთო ცდით საშიშროებას ავიცდეთ.


ცენტრალური გამგეობა.

2-რე განცხადება: ანდრია ფირცხალავას და მერაბაშვილს, რომლებიც მუშაობის დროს მოწყობილ მიტინგზე აირჩიეს სასურსათო საკითხის მოსაგვარებლათ, პრესის ინტერვიუერისთვის გადაუციათ: „სურსათის ბარათებით განაწილება ათაბეგვაშვილის „პრედრასუდებია“. ჩვენ გამოვჩნხეთ საშვალემა მუშების სავსებით დაკმაყოფილებისა.“ რაიონული გამგეობა აცხადებს ამას ამხანაგების საყურადღებოთ და მოუწოდებს მათ ხშირად მართონ ასეთი მიტინგები, რომელიც სასწაულ მოქმედ მოღვაწეებს გვაძლევს.

რაიონული გამგეობა.

ციც!

სურათი ქალაქ ფოთის ცხოვრებიდან.



გურული სცენა.

(ძველი ამბავი)

სამისი წელიწადი, რომ გავსდლო, მაინც არ დამავიწყდება ჩემი ჯვარისწერა — ქორწილი და მერე უბედურობა ჩხუბში. ნუგეშია სხვასავით არ მიქნია ქორწილი მილოცვით და წაბურვით. დაგზავივე ყველე, გავამზადე საქამადი და რაფაც შემეძლო ყველას პატივი ვეცი, მარა ამდონ სულში ერთი ვინმე „ქვეყნის უკეთესი“ მაინც უნდა გამოარეულიყო და გამიერია კიდევ... გამევიდა ბესოიე გლახა და დეიწყო ქალებში უთავბოლო ღლაბუცობა. ზოგმა ქე გოჟუცინა, ზოგმა ქე მოჟუთმინა, ზოგმა თქუა თვრალიაო, ზოგმა ღვინის ბრალიაო, და ამ ქვეყნის გლახას ქე არ გოჟუვიდა გულს!... ადგა ბატონო და ჩემს დედუფალს არ დოჟუწყო ყველის ვაჭარსავით კბილების კრეჭა!.. მომივდა გული, მარა რაფაც მაინძეღმა ისევლე მე შევითმინე და პატიოსნად უთხარი: შენ ძამია! რომ გითმენენ იმიზა ყველას კი არ უნდა დაჟედე თავზე მეთქი... აგი რაფა გამიბედე შენო და იყვირა: გამოდით ვინც ხართ აქანე, ლოკმად არ მეყოფით არცეთი, შენ მაინც თავიან ფეხებიანა გადაგყლაპავო... მე უთხარი—ძამია, რაც გვდაყლაპე ჯერე იგიც არ მოგინეღებია, აგერ-აგერ გადმოასხამ მაგ ღვინოს და მე რაფერ უნდა ვადაწყლაპოთქვა... „გადი შენი“ ო... და ქე არ შიებო ბიჭო დედას... რაი, დედამეთქი? და წამუარდი კიდევ... ვეცი მარა მისთანე შენს მტერს... ისე მუჟქციე ცხვირი და პირი რაფაც ლობიეზა მისართავად დანაყილი ქონდარ-კამა-ნიახური, დამესია ცაი და ქვეყანა, დამიწყეს იქით აქით წიწვა და რაფაც იყო ცოცხალ კვტარი გამომტიკნეს ხელიდან, გვიყვანეს იქიდან და ჰიშკარს ვადაღმიდან დამეკადნა: „თუ გიქენი ნაქნარი მე ვიქნები ბიჭი თვარადა შენი ფეხი მახანიეო“ მარა იმის მეტი არ გუჟქანდა წელი, რაც იმას ჩემდა გლახა აფერი არ ექნას და იმისთანე ძმაკაცი სხვაი არ მყოლოდეს...

ახლა მგონი ასთე უნდა ჯავისხვევის „სენიწი-რიმე“ ზოგიერთ ნასტაქნიკალ—ნაკაჩადარ ისე-ბსაც...

რ. ჯიბილ.

ქ რ ო ნ ი კ ა.

მუხრანის თემი. თითქმის თვე გადის, რაც მუხრანის თემის ახლად შექმნილი თავი (თავმჯდომარე) დ. თავბერიძე სადღაც გაიპარა. მას ახალ თანამდებობისათვის თავი არ ემჩნეოდა და როგორც ამბობენ მის საძებრად წასულა. ხმები დიდის, რომ ის ისევ თფილისში აღმოჩენილა და თავის საყვარელ ხელობას—კომისარიატის მწერლობას დაბრუნებიაო.

თოფის ღუმეა.

ბოლშევიკების გაინგლისელება და ინგლისელების გაბოლშევიკება.

(საკ. კორ.)

კევ-ბრინჯის უნივერსიტეტის გამოჩენილმა პროფესორმა ჯან-ჯაუხმა ამ სათაურით წაიკითხა მეტათ საინტერესო მოხსენება.

მოხსენების პირველ ნაწილში პროფესორმა დაახლოვებით სთქვა: ბოლშევიკობა არ არის ეროვნული მცნება. ყოველ ეროვნების კაცს შეუძლია იყოს ბოლშევიკი. ბოლშევიკობა პროფესიაა და მეტათ ხელსაყრელი პროფესიაა. მისი უმთავრესი ლოზუნგი იყო და იქნება: ჩემი ჩემია და შენიც ჩემია.

ინგლისელი არ არის ნაცია—სთქვა მოხსენების მეორე ნაწილში პროფესორმა—ინგლისელობა პროფესიაა. ყოველ კაცს შეუძლია იყოს ინგლისელი. ამისათვის საჭიროა: კანონიერათ ცარცვა და ქრთამის აღების შნო და უნარი. ინგლისელების ლოზუნგი იყო და იქნება: შენი ჩემია და ჩემიც ჩემია.

ბათუმში ინგლისელების მართვა გამგეობამ საკმაოთ დაგიმტიცათ ჩემი სიტყვების სიმართლე. როგორც ხედავთ—დაასვენა ჯან-ჯაუხმა, ინგლისელობა და ბოლშევიკობა ძალიან წააგავს ერთმანეთს, თითქმის ერთი და იგივეა. განსხვავება მხოლოდ სახელწოდებაშია. ამ ჟამათ კრასინსა და ლოიდჯორჯს შორის სწარმოებს მოლაპარაკება.

შეიძლება ორივე მხარემ ერთი სახელი მიიღოს. ან ინგლისელები გაბოლშევიკდეს და ან ბოლშევიკები გაინგლისელოდეს. ვიმეორებ ამას მნიშვნელობა არ აქვს, რადგან არსებითად ეს ორი მცნება ერთსა და იმავეს ნიშნავს. ყველაზე უფრო ეს მზგავსება მუსლიმანებთან, თათრებთან დამოკიდებულებაში სჩანს. განჯამ ვადაქარბა კიდევ სტამბულს—დაასრულა პროფესორმა ჯან-ჯაუხმა.

ბათუმის საზოგადოება დუმილით შეხვთა პროფესორის განცხადებას. ყველაზე უფრო აქარღობი სდუმდენ.

გრ. სლუჩაინი.

ქ. ზესტაფონი

(შორაპნის მაზრა).

ქ. ზესტაფონში ადგილობრივ ვაჭრის ცოლ ქ. ქ. მალლაკელიძისა და კუბატაძის ინიციატოვით დაარსდა ადგილობრივ მოვაჭრე ა. ქ. სახლში „ვაჭრის ცოლებთა სახალხო უნივეროგორც სარწმუნოთ გაკიგეთ ლექტორ ვეუღნი ყოფილან საუკეთესო ძალები

ბით მოწვეულია ბოსნიის უნივერსიტეტის ახლათ კურს დამთავრებული ფილოსოფიის დოქტორი მღვდელი ქსენია ლამბაშიძე. სახალხო უნივერსიტეტში წევრებათ მიიღებიან მხოლოდ ვაჭრების ცოლები. უკანასკნელნი ვალდებულნი არიან ყოველ ორშაბათობით ერთად შეკრებულმა ილოცონ ეკლესიაში თანამედროვე გაკრებებზე (თათრებთან ომი, თანამედროვე სიძვირე, გვალვა, სეკუვა და სხვა...) და შემდეგ ა. კუბატაძის სახლში გამართონ ქეიფი „სამღეთო“-ს გადახდით.

პირველი საზეიმო სხდომა აღნიშნული უნივერსიტეტისა უკვე მოხდა მიმდინარე წლის 31 მაისს ადგილობრივ ეკლესიაში, რომელიც დამთავრდა განუსაზღვრელი ქეიფით ა. კუბატაძის სახლში. წევრები ბლოკათ დაესწრენ. ჯერ ჯერობით ჩაწერილნი არიან 60 ვაჭრის ცოლი. გრძელდება წევრთა რეგისტრაცია. მსურველებმა უნდა მიმართონ შემდეგი მისამართით: ქ. ზესტაფონი, საკუთარ სახლში, ფ. ა. კუბატაძისა, დილის 9-12 საათამდე და საღამოს 5 საათიდან მეორე დღის დილაამდე.

პროლეტარი

ოცნება და სინამდვილე

2. სინამდვილე.



ორი აღმოჩნდა ნამდვილათ კომუნისტური ცხოვრება.